

國朝畿輔詩傳

國朝畿輔詩傳卷五十九

長洲陶 樑冕 蕪輯 寶坻高繼珩寄泉校

李佛桐

佛桐字北癡號琴川河間人諸生有愈愚蓬舍

詩稿八卷

邊九整序琴川詩磊落嶽嵒奇愈和平愈憤激卓  
然有不可磨滅之氣其餘味曲包又在甘苦酸  
鹹外不在語  
言文字中也

李燧序樸茂處似杜陵疎散處似放翁冲夷高  
古則又得力於陶韋是宜藏之名山爲泉石生  
色不可令長  
安貴人見也

紅豆樹館詩話北癡束髮耽吟性超曠嗜酒中  
年破產走京師授徒自給秋闈十餘上終不第

國朝詩集卷五十九

卷五十九

復游津門爲人司出英事晚依李夢韶廉訪於  
洛中病歸卒詩人遇蹇視唐之貞曜元英爲尤  
甚亦可慨已詩陶治性靈質而  
不憚蓋恥以餽飭摹擬見長者

涿州道中

途衝門禁緩沙抱一城牢塔擁月光小樹銜山影高長  
橋迷廣袤破寺敞周遭卅載樓桑道飄蓬賸布袍

歲暮雜感

滿目悲生事何甘分外求拚同牛馬走幸遇鳳麟遊海  
濶量難盡山高仰末由平原曾握手肝膽向誰酬

阿阮時相問講錄經年未報書知子全賴汝念汝轉愁

子舊業青箱在名心白髮餘行當賦歸去借訪子雲居

夜泊任邱城外

扁舟如一葉，獨泊小橋邊。  
水濶疑無地，雲低不接天。  
魚龍驚燿火，村落冷人烟。  
遙憶高堂上，更深應未眠。

金盞

苦抱千秋志，空辜七尺身。  
曾爲懷刺客，愧作掃門人。  
裘敝春偏冷，心枯貌欲皴。  
長安名利藪，金盞尙誰親。

寓目

地僻容吾懶，心清喜物閒。  
豆棚斜蓋瓦，藤蔓細爬山。  
酒熟呼兒漉，詩成待友刪。  
南遊鴻信杳，計日也應還。

出門

優優竟何適路險走偏遲貌類乞兒相心惟古鬼知故  
交嘲飯顆新進笑書癡何日歸鄉井高堂捧玉卮

寄陳松厓

別有相知處神交不在疎兩心千載印一別十年餘對  
月每思汝吟詩當念余回頭溯前事花柳亦欷歔

簡馮通江

金釭玉酒惹春溫一領青衫闕草痕花柳不嫌名士老  
乾坤誰識布衣尊三生石上精魂在萬劫灰餘慧業存  
欲報瓊瑤轉惆悵敢將才調比龍門

懷周六泉

字不求工文不奇寸心得失亦能知著書此日敢云老  
捧檄何年卻怨遲破帽殘衫驢背客斷橋禿柳畫中詩  
高陽臺畔人如玉應憶韓門李習之

京邸題壁和友人韻

倦游蹤蹟苦吟身兼作傭書餬口人幸有親朋憐守拙  
別無嗜好喜安貧擬藏美酒三千斛飽看名花四十春  
奢願難償成一笑鬢絲吹老帝京塵

送林少村之金陵

年來無日不同游刻燭聯吟互倡酬小別明知纔兩月  
關心卻似隔三秋江山到處添鴻爪花柳多情送馬頭

此去白門春正好莫愁湖畔莫閒愁

旅懷

囊琴匣劍客皇都絕倒乾坤一腐儒傳世文章驚俗眼  
謀身鹽米困吾徒貧兒骨相生來是名士襟懷老漸無  
連築糟邱澆壘塊蘭陵春酒正堪沽

送二妹于歸任邱

陽春歸妹喜初占惹得全家別恨添共說德容無缺陷  
何妨荆布卽妝奩俗傳後母賢明少

妹繼配任邱邊氏

我信慈

親訓誠嚴珍重臨歧無別語可知婦道是柔謙

萱闈徒倚不勝情而壁時時淚欲傾未慣小時離膝下

要明大禮重人生百年福澤從今卜一配賢豪到老榮  
佇看金闈調錦瑟阿兄洗耳聽和聲

丁巳初度

自看形影自驚猜老字難辭漸送來若論古稀剛得半  
那知時去不重回一生落魄總安命五夜狂歌空費才  
且酌金尊壽慈母新醅今日爲兒開

送青墅姪之官浙西

落拓青衫廿幾春一官聊慰讀書人三生金榜名無分  
此日黃梁夢始真

青墅旅懷詩有黃梁入夢難句

南國騷壇尋勝侶西

湖山色認前因冰心早向貪泉照

留得冰心見故人竹溪兄官廣州句定



守家風繼後塵

勞勞亭畔柳初寒別緒驚心感萬端  
酒薄難澆新壘塊  
官清不厭舊衣冠數行雪爪愁中印  
青野著有一路梅  
雪痕集  
花馬上看計日春歸鴻有信儘憑傳  
語說平安

疊韻簡馬通江

生涯如此那須籌人自春衫我自裘  
多病難蘇詞賦癖  
長貧差免友朋羞銀河水咽三生恨  
玉鏡霜彫兩鬢秋  
草草韶光留不住落花飛絮惹閒愁

不啖侯鯖不借籌清門卽此是弓裘  
眼前失意人爭笑  
身後無稱鬼亦羞千里關河牽遠夢  
一簾烟月似新秋

天涯老作張平子，憑徧雕闌詠四愁。

訪陳秋亭

三閭草閣一簾遮，夾路桃開豔奪霞。  
中有高人閒課子，偶來狂客爲看花。  
湖山久助文瀾濶，笑語時因酒興加。  
我欲卜鄰愁不遂，妬君烟水自爲家。

六郎莊感懷邊鳴堂

銅丸走坂歎浮生，記與詩人載酒行。  
破榻寒氈孤月守，荒墳宿草暮雲平。  
招魂路遠情何限，入夢談深哭有聲。  
莫道竟成千古別，心交原不隔幽明。

喜晤青壁姪又言別

三千里外一歸人道罷平安便起身此別明知來有日  
相看轉恐見無因官聲到處傳清謹王事關心忘苦辛  
執手甚難分手易幾回目斷北征塵

名場

名場總要早馳驅一過中年便寡娛貴後多傷無父母  
貧來不樂有妻孥關心白髮情難遣放眼青雲路更汗  
欲問虛舟何處泊滿天星月盡長吁

自笑

愁來自笑轉蓬身倏忽經過五十春鐵買六州難鑄錯  
粟無一斗不知貧親朋未必皆憎我肝膽何曾肯負人

獨抱冰心羞附熱此生欣作太平民

卽事

藉草爲茵肱作枕綠槐陰下麥風柔  
非秋滿樹飛黃葉何怪少年人白頭

還家

半年爲客始還家檢點琴書忘日斜  
一架紫藤花落盡石牀小坐數歸鴉

出都口號

挽衣楊柳碧粼粼落拓還鄉影亦慙  
繞郭青山爭笑我不知此地有終南

潘文木

文木字石湖遷安人諸生

陽山射虎行

孟氏家兒力如虎鄉塾輒將塾師侮盜父廐馬奔長安  
貴戚小侯相爾汝擊劍蹴鞠鳴雕弓諸公碌碌何足數  
歸來發篋讀陰符間復射獵陽山岫霹靂弓鳴白額死  
腥風殷血相模糊笑向山靈仰天誓封侯不博非丈夫  
鼉鼓逢逢  
真龍起杖策軍門謁  
天子

庚午

講  
宗於軍門

太  
朱明荆棘埋銅駝留侯誓欲報韓死逐寇

褒斜闕逆奔陝  
公追擊之

盜賊如麻梟鳥破獍膏血軍牙

謂興安河西平

陽諸寇一十七萬收降虜充國屯田議漢家

恩遇

一旦通侯貴帳下  
貔貅競趨侍  
回憶城南射獵時  
勇銳不負平生志  
公去經今百八年  
北平猶是舊山川  
嵩嶽降神當  
聖世自漸頭腦滯儒冠

曉過黃台河

疎嬾原成性  
晨興走馬牛  
笨車疲老僕  
殘夢續春秋  
古木下寒月  
虛沙起宿鷗  
一聲孤棹響  
漁火點汀洲

聞郁向離先生欲出關慨而賦此

壯士愁聞出塞歌  
况君才老尙蹉跎  
賓延蓮幕懷王儉  
玉抱荆山感卞和  
大漠文章從古賤  
中途豺虎至今多

不堪游子他鄉淚日斷雙親鬢已皤

胡鎮懷

鎮懷字心山號竹亭高陽人鵬雲子候選布政

司經歷

焦山用曾都轉寶谷韻

層巒雙屐上遊賞趁芳辰海外碧雲暮江南芳草春僧  
閒林鶴下客靜野鷗馴寶鼎依然在臨風憶古人

太白樓

木葉晚蕭蕭孤樓倚碧霄鶴盤江口樹豚拜海門潮挂  
席浮千里看山憶六朝謫仙懷謝處風雨望迢迢

寄隨園先生

六朝山色畫屏中金粟如來老寓公壇坵獨開尊海岱  
水雲深占臥松風琴軒舊續成蕉鹿閩苑游蹤付雪鴻  
解脫塵緣觀自在恒河沙數壽應同

列宿羅胸笥不貧崢嶸大筆挽麒麟書城幻出三千界  
墨海生成丈六身白傅詩篇傳屬國扶風絳帳拜佳人  
名山盛業看長在玉府瑤編歷劫新

游白紵山

宣武當年跋扈人金尊一曲委芳塵雙橋暮景帆檣集  
九井人烟橘柚新金下紅鐙兒照蟹湖邊畫槩女牽蓀



登高指點南州勝，醉去何妨折角巾。

胡鎮英

鎮英字再山高陽人，鵬雲子，候選縣丞。

村居

綠楊村徑接前溪，野老歸來日未西。  
半畝陂塘時泛鴨，幾家籬落乍鳴雞。  
新秧翠疊看將秀，遠岫螺分望欲齊。  
卻想武陵源尚在，樹陰深處有鶯啼。

鄭成基

成基字靜山大興人，歷官四川建昌道有東園。

集十二卷

商嘉言序靜山初宦楚值楚氛惡蔓延素豫蜀  
寇亦峰起隨大帥轉戰旋入蜀運籌帷幄險阻  
備嘗發而爲詩凡荒山窮谷可驚可愕之狀以  
及士卒之甘苦蒼赤之流離周弗形諸歌詠如  
守夔籌邊諸集尤見經濟  
安得僅以詩人目之乎

自林口過飛越嶺宿化林坪

山深境漸幽谷響風撼樹層巖高參天對面疑無路忽  
聞汨汨鳴溪聲暗奔注白雲飛絮團茫茫不知住既雨  
晴復佳峯巒淨可數彈指登絕頂豁眼開妙悟沿緣下  
石磴松竹翠交挂回頭何處來蒼蒼但烟霧投宿化林  
坪斜陽索新句

董市有懷

故入何處問春夜泊孤舟戎馬三年路關河萬里愁  
哀鴻驚客夢綠草遍芳洲明日揚帆去相思滿花樓

雨晴

旭日上窗遲幽人夢覺時野雲隨雨去風柳帶蟬嘶  
溪水喧吟榻山嵐入墨池不堪明鏡裏白髮又添絲

宿溪龍

兩度溪龍道風光似去春松陰芳草路晴日馬蹄塵  
野店村醪熟官塘斥堠新夕陽山漸暝郵館且停輪

辰陽城北山麓有文昌閣可眺江景四圍山色皆  
在坐中雨後往遊新涼頗快人意然登高望遠

未免思鄉苗氛未靖難卜歸期詩以誌感

四山朝爽靜邊城拂袖涼颺細葛輕香散曉鐘深院寂  
龕留佛火一燈明壯心蕭瑟憑詩遣羽檄交馳入夢驚  
獨立高亭觀鄂渚蒨門烟樹倍關情

愚谷以詩索和月餘未應今復有西川之行漫題

誌別卽步原韻

迢遞關河去住難况逢澤國曉霜寒浮生閱盡頻搔首  
功業無成漫據鞍境幻如雲偏出岫心空止水不生瀾  
故人珍重臨歧別適意何妨擇所安

蕉闌坐雨

卷舒分碧玉，仿佛綠天菴。  
向晚蕭蕭雨，鄉愁滿劍南。

夏日卽事

竹筍穿林麥氣浮，雨晴四月似初秋。  
湘簾不卷疎窗靜，開滿中庭紅石榴。

馬宗濂

宗濂字通江河間人，諸生有通江詩草一卷。

秋雨

冷吹一簾白枕邊，秋雨聲鐙殘。  
人影瘦，夜悄夢魂清。  
懷抱有何事，關山無限情。  
休嫌袷衣薄，春向酒杯生。

雨中作

隨意栽花不借名，廉纖春雨到天明。  
典衣沽酒驅寒色，醉眼看山趁早晴。  
傲物豈容嵇叔夜，高風僅見蔣元卿。  
飄零難遂幽棲願，僕僕因人愧此生。

張招觀

招觀字耕園，一字紫垣，景州人。諸生有雨香龕。

詩草掇餘

段莊序耕園才秉夙慧，今古墳籍寓目殆徧，落筆萬言，不作稟日語。

冬杪懷弼亭弟兼示仲亭弟

生計年來拙，冲霄仗羽毛。  
如何千里駿，不遇九方臯。  
殘臘添霜鬢，他鄉尙縑袍。  
點金行有術，風雪莫辭勞。

濟南和壁間韻

我從山水窟中來好語紅塵莫浪猜  
秦岱碑多難盡讀靈巖松老是誰栽  
劍能脫手休誇越琴取移情不用雷  
他日一編倘相寄紅鐙綠酒爲君開

閱春柳倡和詩重讀次愚兄祝華姪十年前舊作  
不勝今昔存歿之感

惆悵吾家老令威鷗波亭外思依依  
一編春柳人何處夢裏分明化鶴歸

次愚兄歿于杭州

新聲初按烏鹽角何日聯吟紅豆村  
別有酸醎滋味好空教癡叔老猶存

劉鶴林

鶴林字鳴皋大名人貢生

河北道中

小憩白沙村田家古意存老槐敲屋角疎雨溜山根黃  
蜨隨人去紅霞隔水翻輕衫透風爽此快與誰論

自大名返臨漳

古鄴城東落照微摩雲閣畔柳依依黃花一夜開無數  
綠草如烟白蜨飛

王喬蔭

喬蔭字梧岡滄州人廷樞子貢生官廣東香山



縣縣丞

遊龜山諸刹

攀蘿衣欲溼一徑入雲斜  
石破流泉咽林深古寺遮  
疏鐘傳薄午小檻墜幽花  
悟盡虛無理何須誦法華

峴山

山餘羊傅宅谷隱習家池  
野竹依寒水春苔繡古碑  
江流人共遠日落鳥空悲  
無復高人意誰堪倒接羅

湘陰

巖城十里楚江邊  
五兩輕風送客船  
行盡清溪三十曲  
片帆又挂洞庭烟

李濟通

濟通字性軒高陽人殿圖子監生

夜坐大雨

殘夏深宵坐紗窗半面開行雲吞月去急雨壓山來涼  
意生高樹繁聲滴暗苔明朝池館坐應泛碧甯杯

秋日樓上

暮色涉如此蒼茫人倚樓長風數聲雁落木萬山秋誰  
送陶潛酒空懷宋玉愁傷心驚歲晚撫景歎淹留

晚步

蕭瑟意何極林陂生晚涼村烟起桑柘山徑下牛羊窮

巷徧荒草孤城惟夕陽忘機有樵牧風笛幾聲長

粵中舟行

烟色蒼茫裏征帆指桂江溪漚浮碧眼山洞盞青腔索  
句支詩枕閒愁倚水窗尊前鱸膾好風味愛魚邦

舟晚

黛壑濃如畫江鄉望眼賒烟波菱苕路風雨鷺鷥家別  
恨題楓葉漁歌傍葦花晚程閒極目詩思悵天涯

桂江偶步

客遊來八桂村路瘴花明象鼻圍蠻海雞峯壓郡城嶺  
雲排午午溪石峭庚庚獨秀懷頗守林巒望古情

舟中

寄蹟南州地，浮家已半年。  
烟波龍戶雨，雲水蜃人船。  
百粵殊風土，諸蠻暗海天。  
江城時一上，鄉國思茫然。

山行

獨遊方過嶺，得得住籃輿。  
荒屋鳴松鼠，晴溪上竹魚。  
登山停不借，臨水種林於。  
村路人烟聚，斜陽正亥墟。

洞庭

羣壑香蒼冥，風波下洞庭。  
潮吞全楚白，山接九疑青。  
猿鶴秋聲嘖，魚龍水氣腥。  
碧峯歌一曲，何處憶湘靈。

武昌

晉賢空不見勝蹟庾公留風月南樓夜江山北渚愁星  
霜龍笛晚河漢雁聲秋懷古情何極壺觴自唱酬

石鼓書院

訪勝衡陽地唐賢故蹟留江山懷古客風雨讀書樓代  
謝人何在林泉水自流苔痕存石鼓千載紀炎陬

晚渡楚江

楚國催歸棹迢迢計晚程大江吞月色斷岸走潮聲天  
地驚秋恨湖山動客情故鄉歸夢遠極目近湘衡

舟中曉望

鴉軋初搖櫓篷窗曉望時紅泉吞礪眼綠樹壓山眉村

岸應沽酒江城且賦詩迷濛千嶂外溪雨細如絲

舟行

羣壑蒼茫外長波似箭流瀟湘一夜雨巴楚萬峯秋山  
影尊前落江聲枕上愁子規啼不斷瞬息下扁舟

清明前數日作

榆火槐烟斷夜庖鐙前棋子試頻敲嫩寒料峭侵簾額  
客淚闌干落枕凹卯酒政應消旅恨丁香猶未展春梢  
愁圍者度渾難遣七字詩成手自鈔

城外閒步

竹籬茆舍枕江城叱犢前溪看晚耕村路夕陽蓑笠影

秋山過雨結棹聲郊原僻境心俱靜桑柘人家畫不成  
有約重陽還賞菊開軒命酌暢詩情

螢火

采蠶小倚動閒愁一點寒螢閃閃流高卷珠簾明月夜  
西風人上曝衣樓

風露深宵點客衣荒苔慘淡弄輝輝建章宮殿無人到  
蔓草寒烟獨自飛

邵自祐

自祐號葵露大興人布衣有蕙圃詩鈔

遊武陵德山寺

南國招堤境歸然浩劫存萬松蔽夕照雙桂倚雲根曲  
折禪房寂莊嚴古佛尊真如心不住幽絕與誰論

金驥

驥字野航天津人諸生

津門詩鈔野航真率不羈  
以詩酒自娛世其家風

和王鹿野見贈韻

久別嗟猶健相逢滿座春青雲誰得路白髮自相親零  
落陶潛菊淒涼張翰蕪所欣惟舊雨沽酒莫辭貧

谷宗善

宗善字可亭蠡縣人貢生有可亭詩鈔



吳嵩梁序古詩才氣縱橫  
近體佳句層出真傳才也

訪蓬壘上人不遇

古剎烟霞外紆回曲徑橫  
佛幢虛見影石磬寂無聲  
樹冷飛泉近山空野鹿鳴  
何當趺坐穩渾塵話三生

劉錫

錫字夢齡號韻湖天津人  
請生有寫梅閣詩存

一卷

津門詩鈔韻湖天姿清粹  
工行草書善畫梅兼通音律  
笛賦琴歌罔不絕妙所著寫梅閣集胸  
臆開拓才思縱橫  
眞足雄視一時

訪費春樵不遇

白雲本無事出岫是何心  
自被風吹去悠悠不可尋  
青松寒日色流水靜琴音  
竚立衡門外野禽啼綠林

秋望

清秋望不極客思渺無涯  
冷鷺一拳穩滿塘紅蓼花寒  
風下黃葉斜日聚鳴鴉  
孤抱逢搖落悽然感歲華

途中漫興

數角寒峯挂晚霞蕭疎楊柳兩三家  
樹衰每覺秋先至人倦常疑路暗加  
映日鴉翻千點墨穿林牛負一身花  
途中正欲傳鄉信風送遙天雁陣斜

宦化署中偶成

攜酒懷書上小亭  
松窗霽色正新晴  
一年牘尾多臨帖  
四面山岡半當城  
紅杏雨酣春弄笛  
綠楊風細曉看耕  
無端閒恨難消處  
避暑宮前蔓草生

寇萊公故里

爭見臨河御蓋黃  
驚人膽識寇平章  
深謀不免譏孤注  
大度何妨有餽羊  
北鄙重名留鑲鑰  
雷陽遺蹟茂箕箒  
澶淵偉績今安在  
慷慨臨風弔夕陽

秋興

一夜霜風萬木摧  
開門秋色正西來  
樹枯人吊蘭成宅  
月上烏啼朱玉臺  
過眼烟雲驚入夢  
到頭心血惜成灰

杜陵愁緒雙蓬鬢搔首長天賦入哀

七夕悼亡

癡情奉倩久神傷碧落黃泉歎渺茫  
今夕又逢穿綫節六年空覓返魂香  
織成雲錦難償債修到神仙亦斷腸  
懊惱銀河三萬里一年一度兩鴛鴦

塞上詞

塞草黃時雁正飛一函鄉信達金微  
妾酬夫壻夫酬國不問歸期祇寄衣

卜大醇

大醇固安人貢生

秋意

山川生爽氣，秋意動遙空。  
雁宿臨池月，琴鳴隔牖風。  
十家試砧杵，一葉下梧桐。  
白露依稀墜，團團蘭桂叢。

秋興

老圃秋將晚，閒亭對夕陽。  
黃花一夜雨，紅葉半林霜。  
燕去風簾冷，鴻來夢澤長。  
沿溪數株柳，不耐舞腰涼。

陳靖

靖字青立，號雨峯。天津人。有讀石山芳小草。

津門詩鈔：雨峯嘗受學于羅克昭，羅學于張宗蒼，張學于黃尊古，黃學于王麓臺，學有淵源。得太倉之遺派，所盡千巖萬壑，一樹一石，無不入妙。

題畫贈畢硯農

舊雨情深老硯農官衙無事儘從容  
寄將一幅離披畫可似黃山第幾峯

題畫

茅廬小築兩三間瀟灑琴書伴客閒  
一局棋殘人去後推窗紅滿夕陽山

趙之城

之城字月川號梅塢安肅人貢生有琴鶴堂詩稿

訪友人

不識清幽處。滿庭桃李芳。相逢真意氣。吾道共行藏。宿  
酒供春釀。新詩摘錦囊。殷勤有如此。何惜醉爲鄉。

王成烈

成烈字訪舟天津人

津門詩鈔訪舟學畫於陳青立好用鑷毫濃墨肆橫盡態而不乖南宗正派間吟小詩多風趣性孤逸雖家城市恒  
閩戶讀書罕與人交

題畫

秋水沒石根。亂雲迷古路。常見此翁來。不知何處去。

陳華

華號萼林獻縣人官浙江秀水縣縣丞

贈春暉道士

龍山宮殿盡崔嵬，岳帝宸居寶壯哉。  
古塔雲光憑夕眺，長江帆影自東來。  
黃庭讀罷參同悟，丹篆鐫成宛委開。  
好向赤松求道妙，琪花瑤草滿仙臺。

邢元植

元植字野航，天津人有。綠柳山房詩草。

津門詩鈔野航工畫山水，築若野園，顧所居門岸舟吟嘯其中。慕同邑金芥舟先生，之爲人晚避居于津南之邢家墅，力耕自食。

水村自興

清齋疑對大江頭，每到斜陽景漸幽。  
秋冷鷗波入曬網。



帆迴鷺渚客停舟荒蘆半沒高堤屋衰柳多圍古寺樓  
漁父高歌入烟去無邊沙雁落芳洲

翟際華

際華字少華號梅野宜河人諸生有寒孳小草

讀李將軍傳感賦

不負憐才聖主知如何牢落不逢時並驅若共韓彭輩  
未必將軍獨數奇

王城

城號金垣寶坻人永芳子諸生有萬里行吟草

題方子故居

寂寞荒涼一畝宮，白雲原上釣臺東。  
先生自效嚴陵隱，非爲工詩遇合窮。

劉 棡

棡字柏鄰，寶坻人。布衣。有一石山房詩一卷。

自題回首萬峯圖

筮屐層嵐上天風，撲面來日高塔影直雲過寺門開石  
壁挂澄練松濤生怒雷，不知有塵世相望一徘徊。

蘆花

轉眼繁華又白頭，漫天飛絮逐雲浮。  
一篙淺水春如夢，萬里歸鴻氣欲秋。  
明月誰家吹玉笛，烟波何處繫漁舟。

蕭條滿目愁無限  
詠與寒汀狎浪鷗

國朝畿輔詩傳卷五十九

終

國朝畿輔詩傳卷六十

長洲陶樾 樾 梟 蕪 輯

任邱邊浴禮袖石校

查林

林字松生號花農宛平人淳子官雲南州判有

花農詩鈔六卷

史高序花農足蹟徧天下其詩不主一家沈鬱頓挫間以流麗讀之令人神往

黎訥序花農天資高邁所學甚深自少卽聞其

祖若父儉堂梅觴兩先生之教於君家初白老人衣鉢獨

得其宗

病馬

尙有驍騰志天長塞草春誰能收駿骨我早倦風塵忍

說車帷做權因棧豆馴臨歧嘶欲斷撫劍一愴神

北上應京兆試留別伯兄

頻年風雨夢聯牀小聚依然在異鄉尊酒娛親春正永  
片帆送客路偏長文章落拓誰知己身世艱難各老蒼  
草綠湖南仍錄別歸期愁說待重陽

落第日題秋思圖呈少司寇秦小峴師

未應容易話升沈榮悴當前感不禁一夕峭寒催落葉  
幾株紅豔占霜林芙蓉驚浴澄波冷薜荔蛩鳴別院深  
莫漫春風招入座惜花孤負美人心

翁覃谿先生蘇米齋送朝鮮南槐隱進士洪面嶽

穎山兩秀才回國

閩闔風吹奉使槎，浮蹤小集等搏沙。  
百年人物同中國，萬里車書本一家。  
可惜祖筵催折柳，相逢斑管競生花。  
大都到日應回首，聲價龍門幾倍加。

簾櫳新燕影差池，料峭春寒送客時。  
竹葉酒濃留薄醉，楊花渡遠數歸期。  
自來吾道關胞與，從古人情重別離。  
擬把三山比三子，海雲遙望動遐思。

偕卜渠眉楊鶴樓飲盧春帆齋

拂袖烟雲萬里回，憐香冷眼到黃梅。  
新吟換讀紛開卷，勝侶相逢速舉杯。  
三月鶯花思過客，一天冰雪老詩才。

素娥亦覺多情甚不惜纖眉入坐來

懷筠娘戲東程韻篁明府

多謝新詞唱竹枝累人來賦九迷詩天涯我敢傷淪落  
客裏今知重別離載取輕舟愁萬斛滴殘寒雨淚千絲  
護花誰把金鈴鑄留待尋春不怨遲

岔河次韻題珠江女史周佩蘭題壁詩後同鄭夢

白明府作

細寫新詩紀遠行紗籠輕拂暗塵生明珠舊日辭南海  
采鳳何緣問北程好事有誰懷逆旅多才無計下愁城  
潮平花地休回首曾是途窮醉步兵

上元邳州道上次夢白韻

重此宵征圯上過，惟餘詩思倩驢馱。  
英雄幻蹟陳編在，佳節浮生客館多。  
霜重月明行不得，懷人憶事夜如何。  
江南路盡寒猶冽，緩緩春光嬾渡河。

齊門小泊戲成

絲篴夾岸響蕭蕭，問訊鄰家第幾橋。  
江上芙蓉餘冷豔，風前楊柳惜長條。  
含情暫敢青綾障，有約遙聽碧玉簫。  
愁煞臨川湯老子，花魂零落夢中招。

杭州

兩山櫛比一江開，又撥輕橈載酒來。  
南渡衣冠多理障，



西湖風月幾詩才  
湖頭怒激浪空打  
陌上歌殘人不同  
局外何如林處士  
至今餘韻釀寒梅

題隱者壁

一枝扶醉倩吟筇  
絕巘幽居宛轉通  
野竹敲殘山脚雨  
垂楊吹老渡頭風  
亭剛貯月寬于笠  
徑可留雲曲似弓  
不有鐘聲來澗底  
夕陽俯瞰失琳宮

飛雲洞小憩題壁

萬古烟霞鬱不開  
鍊將頑石換靈胎  
神通佛果移山至  
幽邃仙宜拔宅來  
卽目會心留畫藁  
驚人險語待詩才  
陰崖風磴堪忘暑  
細雨天花落酒杯

九月偕內子游三台山

鹿門何日得優游，豪氣雄心逐漸收。  
入口饔飧慚拙宦，百年風雨逼深秋。  
看山有約留青眼，理髮多時感白頭。  
知否羽書西去急，籌邊人倚望京樓。

送陳茹香太守之任處州

絲絲青篋解錢塘，劍匣詩囊載小航。  
領郡何須愁跋涉，趨庭渾似在家鄉。  
洗裝缸面醪浮綠，稅駕籬根鞠綻黃。  
預譜夏將臨一曲，近聞風露荔枝香。

由呈貢之晉寧

筍輿濱海十三村，回首青山繞縣門。  
風定晴空虛有籟，

雨餘殘照澹無痕，叢篁短岸呼鳩婦。  
秋水閒田長稻孫，多謝攀轅雞黍獻殷勤。  
農父勸傾尊。

江南雜詠

夾岸垂楊烏夜啼，露筋祠下月痕低。  
榜人倚舵睡方覺，津鼓鄰舟報竹西。

載得揚州月二分，惓惓夢醒渡江雲。  
停橈瓜步城邊宿，一枕潮聲徹夜聞。

送阮九明府克峻回湖北

泥爪光陰雨不停，滇池霜雪草青青。  
片帆他日懷人處，春雨春風隔洞庭。

長至前一日石盆山寺見芙蓉花

萬松寒籟護僧寮不分名花一見招酒醒空山殘照裏  
前生秋水夢迢迢

清淇縣

荒蘆野竹女牆平隔岸樓臺返照明柔櫳一枝催過客  
樵歌雲外聽聲聲

曉發昆明

弓矢旌旄夾道馳笑余馬首苦低垂鷓鴣塘外絲絲雨  
正是秋篁解籜時

回呈貢口占

石虎前岡有戍樓去時楊柳綠陰稠多情冷豔還相待  
寂寞芙蓉一樹秋

寄李大耀瑚

奇絕洪都李伯珊四年不見一書還拓邊樓外西風起  
誰共尋秋太華山

王桐

桐字煒東號怡園滄州人貢生

擬子夜四時歌

選二

春歌

堦前桃李花芳時成寂寞親手下簾帷不忍見零落

夏歌

歡來到門前自起促華僎煩熱不復知遺卻白團扇

張廷選

廷選字冶堂天津人官浙江鹽課大使有西湖

雜詠一卷冶堂草一卷

津門詩鈔冶堂少負才名疎宕不羈與繆星池李夢厓爲詩酒交局於下吏未久鬱鬱而死

小齋

門掩潞河邊蕭齋正午眠漁歌來枕畔帆影過窗前地  
潤宜花竹簷低受雨烟何當開水閣潮上看江船

過張氏思源莊墓園

隔斷芳菲六尺垣，  
揭來空聽鳥聲喧。  
湖山春至無人管，  
楊柳一枝青到門。

西湖雜詠

湖上輕舟盪碧霞，  
小桃花外有人家。  
綠堤一帶垂垂柳，  
遮住雷峯夕照斜。

十頃湖波一畫樓，  
清遊况復近花朝。  
最憐人是江南柳，  
淡雨疎烟鎖六橋。

南屏叢業最高峯，  
樹木陰森烟雨濃。  
知有山僧雲外立，  
半空飛下一聲鐘。

樓臺全住水中央，  
湖上春風二月涼。  
遮莫遊人歌采采，

隄邊新種女兒桑

盧延棟

延棟字劬堂任邗人有栖素山房詩藁二卷

程虞卿序劬堂性蕭散好讀書登山臨水弔古曠概有古名士風詩氣格醇厚可以傳世于桂森序劬堂先生以詩名淮浦者垂二十載詩溫溫然郁郁然悉本性情無所矯飾清真之氣流露楮墨五律風格

高超綽有王孟遺意

殿保泰序劬堂先生自少肆力于詩遺稿氣息高古知其沐浴于漢唐諸大家者深

放歌

海日初出蒼蒼涼涼夜寐夙興我何所營叫雞則有口

蝸則有角誰能抑鬱底用馳逐高才捷足先據要津銅



陵金穴睚眦曉人西山之石埋海何時夸父逐日庶幾  
見之春秋代謝有如逝波今我不樂年命其此安得美  
酒駕言遠遊酣歌自適放乎滄洲

采石舟次

春江遙送目沙樹碧依依水驛征帆杳山城故侶稀蒲  
寒花小勒近社燕斜飛蕭瑟蘭成意緘愁寄落暉

早秋卽事

小閣足秋意枕衾生薄寒高梧動窗影疎月耿簷端時  
序易爲逝客懷難與安故鄉千畝竹遺夢憶檀欒

聞雁

何處孤征雁嗷嗷入夜分影寒關塞月聲斷海天雲爾  
定思求侶予方感失羣帛書來也未落木正紛紛

宣城途次

杉檜層層罨碧暉午雞啼處靜巖扉荒蹊犖磽行人少  
時有水田白鷺飛

借心盦舟過篆香樓試茗聽澹盦和尚彈琴

習靜須尋選佛場置身况在水雲鄉與君煮茗聽琴語  
不覺松窗下夕陽

張 璫

璫字醉春磁州人官鹽知事有容膝軒詩草

送吳止菴之六安

送君之異地曉出曲陽城南國三秋別西風一雁聲丹  
林繁夕照白髮且長征人事嗟萍梗飄蓬感不平

王拱端

拱端字翼亭清苑人諸生有芸窗詩一卷

遊靈雨寺

散步城西去禪林路不遙清溪環曲水細柳嫋長條雨  
急喧菰葉風和長藥苗精廬堪小憩閒話約漁樵

題春風亭

綠楊溪接綠楊橋橋畔青帘影動搖好是梨花新釀熟

春風滿座酒盈瓢

劉天義

天義字戒菴青縣人諸生

題同野堂

野堂真作野人居長物惟餘兩篋書窗草不除生意在  
柴扉常掩舊交疎長卿賣賦文難似劉向傳經學弗如  
詎爲名高甘隱逸非材本合處蓬廬

張炳堦

炳堦字子諒南皮人官永平府教諭

董廣川故里

斷碣蟠烟臥里門先賢會此託音塵大廷論治留三策  
漢代傳經第一人目不窺園真刻苦書名繁露自翻新  
竊才管晏休相擬游夏高風邁等倫

康 鈞

鈞字掌卿天津人堯衢子諸生有石斧集

津門詩鈔掌卿  
皆吟詠有父風

蓼花

勻染燕支古岸頭零星開到蓼花幽疎籬月白誰家院  
水國風涼幾處秋簇簇冷紅低曉日蕭蕭淺綠傍漁舟  
江村小幅徐熙畫瘦蟹鉗枝在遠洲

孫超會

超會字傑園號石溪玉田人諸生有海岑詩集

一卷

孫慰會序子弟石溪酷好詩習篆隸章草秀勁  
可觀畫宗倪雲林諸子百家皆博覽強記爲文  
灑落無羈約丁亥

卒年二十有二

題畫

谷口行人少披圖對夕曛樹深微辨寺山靜自生雲老  
鶴風前影蒼苔雨後紋林泉如有約嘗共酒杯醺

過居庸關

莽莽亂雲橫陰厓接杏冥沙兼寒日白山截塞門青絕

壑下飛瀑風聲聞塔鈴古來重險地笳吹不堪聽

李氏園

偶來池畔立秋色落庭陰幽意付流水花間鳴玉琴  
林泉供薄稅詩酒寂名心坐久興能遣清寒入我襟

送友人入都

餞酒虛堂上明朝恨別離馬嘶芳草外人去落花時  
風雨愁長路關河問後期不堪亭畔柳攀折其淒其

不寐

幽齋客界寂唧唧聽吟蛩夢斷三更雨秋生一笛風  
蕭騷飛木葉嘹唳去征鴻永夜愁偏攪裁詩那易工

出村

小步斜陽外平原澹夕烟東風吹短草野水上春田蒼翠遙林合澗別浦連牧童清興好弄笛柳橋邊

獨坐

夜氣清如水悠然動客情柴門明月上高樹晚涼生酒醒坐無寐愁多病易成微風何料峭處處候蟲鳴

題畫

萬山環四面杳靄見孤村松影碧連屋泉聲清到門  
籬餘竹色深徑護苔痕誰解臥游樂牀頭酒一尊

病夜



夜雨何時歇涼蛩更苦吟窗虛聞木落鐙暗覺秋侵臥  
病中宵感懷人萬里心誰家高閣上長笛發孤音

酬廉步元

英姿颯爽最憐君筆走春蠶更不羣早歲論詩謝康樂  
半生多病沈休文卽今離別愁潭水此後心情總暮雲  
不忍再展腸斷句河橋楊柳已紛紛

泊柳沽

渺渺孤村月欲斜荻蘆風起客愁加船迴鷺破野鷗夢  
飛過一灘紅蓼花

馬餽醇

毓醇字汾亭號希伯獻縣人貢生

不寐

破曉荒雞唱遙遙擊柝聲月高花影瘦風細葛衣輕酒  
興隨年減詩懷入夜清低徊眠未得起踏綠莎行

楊繼曾

繼曾字目軒靜海人諸生有拂雲軒詩草

別陳漢老

舊友非萍水新交悉泛常官貧君自得用拙我何傷傲  
吏寗嫌老詩人不礙狂相逢愁話別離緒苦難忘

馮晉

晉字西莊天津人監生有夢陶山人學吟藁

津門詩鈔西莊修葺偉幹善談論能說前輩遺  
事有晉人風常詠荷珠有所遇皆能合無行不  
是圓句寓  
言深婉

春日送弟

離別真難料馳驅累爾身清門無事業弱冠走風塵征  
旆邯鄲道郵亭渤海濱臨歧共惆悵楊柳路旁春

鄭佐

佐字伊圃號湘芷豐潤人濟蕪子官布政司理

問有紅蕉花館詩稿

孔憲煥序伊剛性孤介工文詞少隨父官蘇松  
與孫子瀟太史王仲瞿舒鐵雲兩孝廉唱和選

勝徵歌極

一時之盛

答和孔繡山見贈之作

巖齋村居任性天行沽費盡杖頭錢  
清臞每羨松陰鶴  
棲託憐同葉底蟬  
錦句傳來芸閣字  
繩牀喚起竹窗眠  
遲君前路瀛洲近  
應勝邯鄲一夢緣

春日書懷和友人韻

立向空庭擁布袍  
關前春色繞周遭  
詩聯舊雨多三益  
鬢染輕霜歎二毛  
愁裏倍憐花爛漫  
閒中靜聽竹蕭騷  
封侯自問雄心老  
長鍊青光任久滯

題司馬夢素女史百蝶圖卷子

國朝畿輔詩傳

卷六十

三

羅浮仙影逗年光  
畫向蘭闌畫正長  
安得百花同日放  
招來一一好分香

晶簾低押綺窗疎  
傅粉塗金伴著書  
怪底郎君文似錦  
彩毫知借女相如

題沈偉如采蓮圖小影

摩訶池上妙香凝  
坐對蓮花悟上乘  
料得四聲歌水調  
腰圍瘦卻沈吳興

繆共位

共位字星池天津人  
諸生有青棠書屋詩稿

津門詩鈔星池天資通敏篤交游  
嶽奇磊落之氣往往發之於詩

明史雜詠

月暗滹沱戰力酣肯教保擅奇男王封不分功成帝  
北斗何妨夜向南燕地經營新事業孝陵悽慘舊雲嵐  
三吾一語平生誤回首金川永抱慙

清曉倉皇點禁兵轟傳天子欲親征星辰搖動臣無氣  
土木淒涼血有聲事異唐宗截塞北辱同漢祖困平城  
邊營若夢徽欽鬼應怨南朝誤此生

西內蠻烟入想頻桃花結子詫爲神重逢漢室傳鉤弋  
竟遇楊家字太真前鑿有車偏共乘後宮無夢可徵麟  
茂陵齋恨仍同穴安樂堂空慘不春

孫人傑

人傑字我凡號問梅清苑人候選州同

芭蕉

風搖綠扇拂晴烟展盡芳心白露天最是今年秋雨密  
為愁不種在窗前

王廷樾

廷樾字藹人天津人諸生

津門詩鈔藹人性孤逸刻苦自勵一介不輕取  
所歷坎坷人不能堪處之泊如也詩頗具超逸  
致之

夏日雨中

侵曉簾開乍倚樓無端詩思最關愁白楊樹外蕭蕭雨  
未到西風已作秋

王際清

際清字曉川天津人有味古齋吟稿

蘆花

秋風蘆荻影茫茫野水飄殘夜有霜一樣花飛同柳絮  
恰無人道汝顛狂

王廷椿

廷椿號香雪天津人官山東縣丞

送春



落花片片委蒼苔幾度鶯聲喚不同莫怪東君情太促  
明年還送好春來

張虎士

虎士字環極天津人諸生官奉天錦縣典史

口占

半園竹樹擬山家四月風光興更賒微雨夜分晨已霽  
起攜櫻帚掃藤花

鄭樸

樸字笠艇天津人有哀吟集一卷

津門詩鈔笠艇貌清癯孤潔有至性喜爲小  
詩老而饒貧甚富絕放旬餘閉門不屑乞請

歸家

幾載江關作客身歸來今日洗風塵蓬居莫笑無三徑  
亦有黃花作主人

鄧興業

興業字繩武號蘅皋欒城人貢生有萬竹山莊  
詩鈔

元夜

爲愛團欒月書齋擁鼻吟夜添更漏永春入酒杯深幾  
處華鐙合閨中蠟屐尋繩牀清不寐衙鼓正沈沈

孫光麟

兆麟字瑞郊天津人諸生

塞下曲

極目秋無際邊陰入戍樓  
草埋弓月道河出木刀溝  
幕遠烟逾直旗翻雪未收  
仍聞投筆者已拜冠軍侯

陳桂攀

桂攀字一山號秋林宛平人諸生

散步

秋色空庭滿槐陰綠幾層  
波雲千疊縷花露一痕凝  
草補將頽壁蛛纏誤落蠅  
長吟發清興涼意晚來增

馮嘉蘭

嘉蘭字耕竹天津人有愛竹山房詩草

趙北口

趙北燕南地秋風舊板橋人家烟寂寂村落水迢迢估  
舶依荒岸漁罾挂暮潮長堤殘照冷柳色正飄搖

張百祿

百祿字傳山滄州人賜宣子官江蘇興化縣安

豐巡檢

題南徐山色圖

風軟殘紅逐絮飄雨餘春水長魚苗分明此景曾相見  
記是西湖第六橋

劉敦福

敦福宣化人貢生官平谷縣教諭

登雞鳴山

有山號雞鳴嵯峨鎮古驛陰陽昏曉間下俯洋河碧往  
者唐太宗駐驛畱遺蹟仿佛洞口仙有聲出籬柵因之  
遂得名晴空倚峭石元相伯顏時山下曾行役創寺復  
鐫碑風雨自朝夕振衣一覽餘莫作磨笄惜

邊芝雲

芝雲字笠田任邱人諸生

和冶村叔草堂卽事韻

碌碌紅塵著意逃，畧同燕子定新巢。  
門臨野水心俱遠，亭有幽花俗易拋。  
閑拭琴徽彈月地，醉聽鳥弄度林梢。  
案頭清課知多少，石譜茶經取次鈔。

趙璋

璋字達亭，武邑人。諸生有所夢集。

山村烟雨圖

疊疊青山漠漠烟，斜風吹雨到江邊。  
綠楊深處天如墨，有客披蓑正喚船。

邊壽封

壽封號眉菴，任縣人。貢生。

紅豆樹館詩話眉菴篤志嗜學嘗手錄明史全帙復取經史子集中雜事排纂成書名蘇翰盤唐宋以來名家詩集俱錄有定本惜未及編次而卒詩筆清峭高者取法山谷餘亦有南宋江湖小集風味

題郭竹逸精舍

淡淡殘陽映郭門  
歸樵導客入僊源  
水滎曲徑纔通馬  
雪點寒蘆不露村  
陂上園林佳氣在  
田家揖讓古風存  
今朝訪戴真多興  
夜月銜杯共討論

溪邊

一曲清溪地十弓  
垂楊葉薄晚烟空  
魚游吹沫萍絨碧  
鷺立翹涼距斂紅  
沙岸遙分長短路  
蒲帆老閤去來風

坐邀淺渚蘆花月  
嘹唳幾聲天際鴻

近之自蜀中歸聽話游覽

春風吹客蜀都回  
舊雨新逢積抱開  
別久交情增昔日  
飽經世事識通才  
巉巖瘦骨峨嵋現  
汨汨清談盪瀨來  
知有繁華牽遠夢  
海棠千樹草元臺

游到青天第幾層  
崎嶇蜀道白雲橫  
槎枒怪樹峯腰出  
磽确山田屋上耕  
風俗獠狽供笑噓  
烟巒奇崛助詩情  
歸舟愁緒吾能識  
三峽猿啼月五更

過鄭如之小園賦贈

疎雨連村衆綠滋  
紅丁紫甲列參差  
三間茅屋蔭高樹



十畝木棉圍短籬農丈人來時進酒村夫子過偶談詩  
羨君高隱無塵事通塞升沈總不知

原頭

原頭經雨淨塵沙麥浪粘天望裏除驅犢穩扶長柄耒  
趁墟急碾獨輪車牧童柳下綠蘆笛饑婦鬢邊黃菜花  
一幅村圖誰繪得自拈斑管寫清華

書懷

昔時結客少年行無復尊前續舊盟昏嫁漸添兒女累  
性情直爲米鹽更食單每到韭三品花事惟餘豆一棚  
壯志消磨豪興減贖將豐歉問陰晴

姚承謙

承謙字季光號嶽峯天津人諸生

津門詩鈔季光幼讀書江南  
詞華雅贍三赴京兆未售卒

畱別鳩茲

梨花楊柳認前溪盡日春風逐馬蹄  
竹裏杜鵑啼不住  
別離人在板橋西

道中紀事

桑陰鳩語徧青疇人爲桃花小逗畱  
山外畫樓溪外樹  
春風二月到廬州

步際梅

際梅字馥堂棗強人諸生有馥堂詩草

偶成

崎嶇世路但囂塵獨坐書帷學隱淪  
面目藏來誰識我心肝鏤盡不尤人  
何堪舊蹟重回首敢向前途一問津  
昨夜梅花寒見骨冰魂雪魄是前身

王維斂

維斂字同莊鹽山人諸生

偶興

草堂偶適興午睡夢初醒時檢澆花紙  
閒鈔貝葉經池魚浮水小茶竈泛烟青  
恰喜綠窗竹移陰上曲櫺

晚眺

初秋景物換清商處處蛙聲沸滿塘野老遙從林下過  
一肩鋤背挂斜陽

胡衡齡

衡齡字仲宣號蓮舟高陽人鵬雲曾孫諸生

秋夜感懷

霜鎧光不定據案讀離騷有月秋常慘無風樹自號浮  
漚隨處住壘塊積胸高何物澆愁最孤尊倒濁醪

許維一

維一字純齋號秋潭肅宜人貢生

苦雨卽事

風雨真如晦空齋一繫匏梁愁巢燕語門少故人敲思  
飲惟高枕裁詩畧解嘲衣單寒澈骨未敢憶同袍

劉宏煦

宏煦字復亭棗強人諸生有復亭詩稿

贈曹醒齋

蕭然三徑靜無譁不染纖塵處士家心遠何妨門近市  
身閒聊復甕澆花夢中鳥語晨光曉竹裏琴聲夕照斜  
時與鄰翁相唱和揮毫滿紙走龍蛇

晚溪獨步

蒼蘆靜鎖月痕幽  
漠漠寒烟起暮愁  
渾似少年羈旅夜  
風燈零亂楚江秋

黃中觀

中觀字良山蕭水人諸生有主我堂詩稿

避世

午日當空暑氣侵  
危然靜坐水邊林  
千層細柳搖清影  
一派鳴蟬送好音  
最喜似水生如金  
高歌無惹行人笑  
幾度操持總莫禁

夏應涵

應涵字仲明號小村河間人諸生

晚晴

雨餘沙路總無泥  
細麥村村綠滿畦  
牆外千層萬層樹  
晚雲歸去夕陽低

程玉瑯

玉瑯字葱衡號聰麓  
永三人貢生有味腴堂詩  
稿

臘日口占

獨坐小窗寒驚心臘  
又殘家貧催老易  
歲晚乞人難掃  
榻羅千卷典衣謀  
一餐幸無交謫累  
終日此盤桓

國朝畿輔詩傳卷六十終